

Dadus relata 21 Julu 2020

SUMÁRIU

- Programa Nasoens Unidas ba Dezenvolvimentu (PNUD) fasilita prosesu akizisaun ba suprimentu médiku nian ne'ebé maka to'o mai Timor iha inisiu fulan ida ne'e. Suprimentu médiku ne'e inklui ekipamentu médiku kritiku nian hanesan ventiladór (5), *infusion pumps* (50), ekipamentu protesaun pesoál (EPP) hanesan mascara médiku (200,000), ókulu protesaun ba oin (10,000), ókulu protesaun (10,000). Alende ne'e suprimentu médiku hirak ne'e, PNUD mós sosa ai-moruk esensiál balun inklui antibiótiku no ai-moruk baibain hanesan *paracetamol* no *oral rehydration salts* (ORS).
- OMS hamutuk ho parseiru sira hanesan USAID, JSI, St. John of God, Maluk Timor, HAI no sira seluk ne'ebé fó apoiu ba Ministériu Saúde, Hospital Nacional Guido Valadares (HNGV), no Instituto Nacional Saúde (INS) hodi fó treinamentu ba profisionál saúde sira hodi responde ba COVID-19 iha territóriu tomak. Profisionál saúde liuhosi 1000 hosi sentru saúde komunitária hosi munisípiu 12 no rejaun espesiál Oecusse, no ospital referál tolu no ospital nasional. Kurrikulu tékniku ba treinamentu ida ne'e dezenvolve hamutuk hosi INS, OMS, Maluk Timor, no St John of God. Treinamentu ne'e kobre área prinsipál 12 hosi planu prontidaun no responde ba COVID-19 no tópiu sira seluk tan. Área prinsipál 12 ne'e maka: i) introdusaun ba COVID-19, ii) IPC, iii) triajen, iv) PPE/EPP, v) jestaun kazu moderadu no kmaan, vi) Psikolojia, vii) transfere seguru ba pasiente, viii) komunika ho pasiente no família, ix) kuidadu ba TB no HIV tuir kontestu COVID-19, x) mantein servisu saúde esensiál, xi) promosaun saúde, no xii) kuidadu paliativu.
- Atu mantein apoiu iha área vijilánsia Ministériu Saúde nian, OMS fornese rekursu umanu adisionál hodi rekruta tan médiku nain lima. Médiku foun hirak ne'e sei ba servisu iha Covalima, Baucau, Maubisse, Oecusse no Maliana. Alende fornese asisténsia ba servisu saúde munisípiu nia ekipa vijilánsia ba COVID-19, médiku sira ne'e mós sei konsentra hodi aumenta tan vijilánsia ba programa imunizasaun no moras ne'ebé bele prevene liuhosi vasina.
- MS ho apoiu hosi UNICEF no OMS hala'o kampaña ba bOPV (*bivalent oral polio vaccine*) ba eskola, labarik ho idade menus hosi tinan lima ne'ebé hela iha área rural no sira ne'ebé seidak iha dokumentasaun ruma, hodi responde ba kobertura imunizasaun ne'ebé tun durante estadu emerjénsia.

SITUASAUN IHA NÚMERU

Totál no kazu (foun) iha Timor-Leste

24 konfirmadu (foun 0)

0 mate

(Bazeia ba dadus ne'ebé públika iha [Ministerio da Saúde](#))

Tuir pájina WHO Timor-Leste

[Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

SITUASAUN GLOBÁL

Totál kazu (foun) iha oras 24 nia laran

Globalmente

14 348 858 konfirmadu (229 780)


603 691 mate (5 111)

AVALIASAUN RISKU OMS

Nível Globál Aas tebes




Data notifikasaun kazu foun no kumulativu COVID-19 iha Timor-Leste
(21-Jul-2020 ; kazu foun-0 kumulativus-24)



Source : Direcção Nacional Controlo de Doenças - Departamento Vigiância Epidemiologia

Situasaun Nasional Kazu : COVID-19 Timor-Leste (Kumulative figures)



Source : Direcção Nacional Controlo de Doenças - Departamento Vigiância Epidemiologia

OMS TIMOR-LESTE NIA OBJETIVU ESTRATÉJIU

- Hapara transmisaun hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba infesaun prevensaun no kontrolu (IPC) ne'ebé rigorozu tebes no hasa'e kapasidade ba IPC nian;
- Identifika, izola no kuidadu ba pasiente; inklui fornese mós kuidadu óptimu ba pasiente ne'ebé infetadu;
- Halo sosializasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman beibeik

Fase ita-nia liman ho dezinfetante ka fase ho sabaun no bee

Tanbasá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fíziku

Mantein distánsia fíziku pelumenus metru 1 (pasu 3) distánsia hosi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai hosi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltimentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregador kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
 - Alende ne'e, [Pájjina Facebook MS](#) nian fornese atualizasaun loloos kona-ba dezvoltimentu COVID-19 iha rai laran
 - OMS Timor-Leste liuhosi nia [Pájjina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int
-